

S. 82 repeat
6/13
00
Zijun
Alice Makatse
1/5
History of Moshoeshwe.
index 24/9/38. K31/13
pp. 1-5.

1 Mosotho ea tsoaletsoeng Lesotho, e sa le 'na oa pele ke sa le teng. Hape ke utloile ha le mpoisa hore na ha ke ea kopitsa. Karabo ke ena. Ha ke ea kopitsa ke mpa ke nne ke botse ho batho joale ba bua joalo, le ntate-moholo o na phete joalo. [Tse ling ke tsena: Ke hlaketse Kolo mane ke tsoaletsoe teng. Hoo ke kileng ka ho bona ke bophelo bo monate mehlang e fetileng. Ha ke ntse ke hola ka bona Morena oa heso ea molemo ea ratang batho e leng Morena Mohlalefi Bereng. Ka bona a entse ntlo e bitsoang lekhotta moo ba melato bohle ba eang teng ho ea ho morena le lekhotta hore ba ba lokisetse lipelako tsa bona le melato. Ke bone a ahlola ka ho hloekisa hore ea molato a be a o bone molato oa hae hape ke ne ke bona banna bas ke sa ba tsebang ba geta matsatsi hona khotta moo, ha ke botse ke utloae ba re ke baeti e be ba re baeti ba tšwanetse ho fihlela khotta hote banna. Ha ke tla bona molao oa khotta ke hobane ke ne ke le molisana. Ntate o na fumane bashanyana e se e le morao, ke ne ke lisa, ke lema ke bile ke hama. Ke ne ke tloaetse naholo ho itulela ho ntate ke bona le ha ba suoa matlalo a linku ba etsa matata ao le 'na ke a roakang kajeno le lieta tsa sesotho tseo ke li roakang le 'na kajeno. Lisiu, lirotō li ne li etsoa ke na moo khotta. Ntho tseo ke tse ke li tsebang kaofela.

2 Fatseng la Lesotho ke ne ke le morali oa Sehlole mosali oa hae e le Masapei lebitso la ka la tsoalo ke Sapei la Alice ke le nkile Kolobetsong. Motseng oa heso se ke neng ke se bona ka malapeng, ke ne ke

fumana ha ke e tsoa naheng ha ke ea
 lapeng ho litsoe ho entsoe liraka ka
 mobu tse ntle, ho bopuo oa lipitsana ka
 matsopa tse ntle, e re ha ke fihla naheng
 ke hahe ntloana ea majoenyana ebe ke
 etsa raka ka letsopa e tsoanang le eso
 ke etse linkeho joalo ho fihlela ke be ke
 tseba ntho tseo.

Ke eo kopo e le e kopileng.

from meit.
 Run on, ~~Page~~ Page

ISOALO ea Moshoeshoe

3

Moshoeshoe lebitso la hae la tlhaho ke Lepogo mora Mokhachane, o hlaketse Menkhoaneng ka selemo sa 1785, 'me ke moo a holetseng teng. Ho no ho se letho le bontsang ho eena hore ka tsatsi le leng e tla ba morena e moholo ea tla busang ka matla.

Ha a lisa likhomo tsa Mtatae e ne e le molisa ea bohale ea matla lipapaling le ho tsoma li-phoofolo. A lieha ho bolla, a bolla ho se ho fetile tlala e kholo ea sekoboto ka lemo sa 1804, a

leshomo le motso e nobeli
leshomo le motso o nobong

bolla Malaoaneng ha a le lilemo tse 18 kapa 19. Ho tsoeng ha hae a reoa la Letlama.

Ho tsoeng hoo Mtatae-moholo Peete a mo isa ho morena e moholo Mohlomi. Efela mora Monyane a mo amohela hantle a ba a mo khohonolofata ka ho pikitla phatla ea mohlankana hore matla a moea o halalelang oa hae o be ho eena.

Hamorao a nola lesale le lelelele la tsebe e 'ngoe ea hae a le poesa Letlama e leng mohlanka oa hae ka hore ke lesale la 'muso.

Joale Mohlomi a mo fa khomo le thebe le lerumo 'me a laela hore ba mo hlabele khomo.

"Joale o u fumane joang borena khathe borena bo lokela ba ha Khopane"? Ke Letlama ea botsang Mohlomi. A araba a re "Motse ha o na sehlare, sehlare ke pelo". Joale ke polelo e re Lepogo a loana ntoa ea pele a eso nyale ka ho itihela holima likhomo tsa Ramonaheng

4

a li hapa hang ka bohale bo boholo a ba a ithoka ka hore, "Ke 'na Moshoeshoe mo-shaila oa ha Kali lebeola le beotseng Ramonaheng litelu". Efela lebitso la Moshoeshoe le tsoantsa thipa e bohale e kutang litelu hoba ea shoashoaila ha e kuta, a

ipitsa ka la Kali e leng Monaheng es a hapileng khomo tsa batho joale ka bohale le ka matla. Ho tloha mohleng oo ha ka hlola a bitsoa ka la Lepogo le ha e le ka la Letlamma, joale a bitsoa ka la Moshoeshoe feela, esita le morena ~~sa~~ Mazulu bo Chaka ka bo Pakalitha ha ba ka ba mo tseba ka le leng haese ka les.

Ha a sa ena le ngoana, a hlompheoa ka la Ramohato joale le ena ngoana es oa hae a siea la Mohato mophatong joale a nka la Letsie ka ho hopola Mohlomi'a Matsie. Joale ha re bolele tsa mora Mokhachane ha re sa tla mitsa ka le leng haese ka la Moshoeshoe leoa ikhethetseng lona ka bohale le bohale le matla le tuisetso tse bonahetseng bocheng ba Moshoeshoe.

Ke ne e le motho ea bohale, o kile a bolaea batho ba bahlanu, ba bang e ne e le ka ho likanlika ho phetha litaelo tsa hae, ba bang e le ka ho anya likhomo tsa hae lebeso.

A ba bolaea ka molamu o entsoeng ka lenaka la tsukulu e leng oo ntatae a neng a hobela ka ona. Rmpa kamora boeti ba hae ha Mohlomi ea neng a tsofetse Moshoeshoe a khutla bohaleng bo a neng a ena le bona ka ho mamella Tsohle a ba a tsoja ke batho bohle ka mosa oa hae le ka matla a ho itaela.

5 Joale mona Moshoeshoe o na a batla borena, joale Moshoeshoe a fumana borenanyana ho malomae Ratsiu. Ha a gala ho ba morena Ratsiu es o ne a se a khathetse ke borenanyana boo, ke ha a tla neha mochana oa hae setulo seo ea neng a rata batho le ho lokisa litaba tsa bona. Joale Moshoeshoe

a bo nka hantle empa pelo ea hae e ne e otetse borena bo boholo ke hore bo fetang ba mong a motse. Joale a busa mohla a shoang ha a le makhatheng ho mora oa hae Molapo. O na re "Ha ke sa le mohlankanyana, ke ne ke luma borena haholo ke rata ho ba le borena bo fetang ba ba bang ka boholo, ke ka baka leo ke neng ke etse lecto la ho ea ha morena Mohlomi es borena ba hae bo nong bo tumme hohle, ka fela ka ea mo chakela a le Moritoe ka mo kopa keletso hore ke tla fumana joang ho ba morena kapa ke tla bo fumana ka thuso ea lingaka na"? A nka-raba a re u se ke ua tšepa lingaka le ha e le litaola tsa bona, hape a re u se ke ua bolaea motho ^{ka} kahlolo e boima kapa kahlolo ea boloi. A mpoella le kamos a neng a hlabisa ^{lingaka} lihlong kateng ka litaola tse ba ntšeng ba re thetsa ka tsona, hape a re ke tla fumana borena bo molemo ka ho nyala basali ba bangata, a re ke hona borena bo tla hola. Taba e 'ngoe a re ke thuso ba litsietsing. Ka qala ke hona ho pholosa Makara matsohong a bahabo le baheso ba neng ba phehelitse ho mo amoha khomo tsa hae.

Kopo ke eo e tsoa ho 'na
oa lona.

end s 82